

Narrenzunft Böhringen e.V.

UNSER NARRENMARSCH



S' Ort nuff, s' Ort na, d' Blodder-Wadder-Narra send do!
Kennsch du des Dörfle wondersche em schena Schlichemtal,
d' Leit send selt so brav ond gscheit ond ällas isch normal,
aber goht's d'r Fasnet zua, no stohnt' se älle Kopf:
d' Weiber, d' Manna ond au d' Kender, selbst d'r ärmste Tropf!

Endlich isch's soweit, s' isch au höchste Zeit!
Mir feirat eser Fasnet, monter, froh ond frisch,
d' Sorga lom'r d' Schlichem na bis Aschermittwoch isch!

S' Ort nuff, s' Ort na, d' Blodder-Wadder-Narra send do!
Des ganz Johr send dia Baura fleißig, gruppat omanad,
goht d'r Wenter no ens Land no konnt m'r zom Verstand.
Noch Dreikenig send se narrat, s' juckt koan Domma it,
junge Spond ond alte Kracher, älle juckat mit.

Endlich isch's soweit, s' isch au höchste Zeit!
Mir feirat eser Fasnet, monter, froh ond frisch,
d' Sorga lom'r d' Schlichem na bis Aschermittwoch isch!

S' Ort nuff, s' Ort na, d' Blodder-Wadder-Narra send do!
Des ganz Johr ka koa Fasnet se, ihr liabe Leit seahnt's e!
Jeden Tag nur Narredei, des wär au gar net sche.
Aschermittwoch isch so weit no goht's oje mineh,
no wird briagat, g' schluchzt ond g' jammert, s' duat em Herza weh.

Endlich isch's soweit, s' isch au höchste Zeit!
Mir feirat eser Fasnet, monter, froh ond frisch,
d' Sorga lom'r d' Schlichem na bis Aschermittwoch isch!